

Betico Croes: Si PPA vota contra cambio di Statuut

PPA TA COMETIENDO ERROR HISTORICO

ORANJESTAD(AAN)—Segun Sr. Betico Croes, diabierna awor e cambio di Statuut mester pasa den Eilandsraad di Aruba cu dos tercera parti di e total, esta 14 voto.

E tin entendi cu sr. Adri de Palm ta den exterior, ta conoci, cu Sr. Benny Nisbet a bandona sala den Staten, y ta asu-

mi cu den Eilandsraad, henter e fraccion di PPA ta bandona sala.

Ta keda anto 12 di MEP Sres. Spanner y Pedro Kelly, pa completa 14 y 3 di AVP cu ta haci esaki bira 17.

"Si nos no alcanza 2/3 parti anto Eilandsraad mester wordo desolvi in-

stantaneamente. Entre tanto e K.B. a ser promulga dia prome di juli, pa e Overgangsregeling cu en todo caso lo bini eleccion, locual ta significa cu Eilandsraad lo no mester wordo desolve pa motivo di falta di 2/3 parti pa eleccion bini. Pero e K.B. di e overgangsregeling a wordo promulga pues en todo caso ta bini eleccion. Ta significa cu e hendenan cu kier eleccion, no mester bay vota contra pa haya eleccion pasobra ya caba e K.B. a wordo promulga y ta bini eleccion", segun Sr. Beti-

co Croes.

Sr. Betico Croes a spli-ca ademas cu na Hulanda el a trece dilanti e pregunta "supone cu no haya dos tercera parti, y bini eleccion, y supone cu den un caso hipotetico irrealistico cu MEP perde mayoria absoluto y e otro partidonan hunto yega 11 y dicidi di forma un gobiernu y dicidi pa no vota na favor di cambio di Statuut? E contesta tabata cu Aruba a desperdicia su derecho di autodeterminacion. "Aruba a escoge pa keda den Antillas di 6. Pesey pami ta un alien-

to pa tende cu AVP decididamente ta coopera hunto cu MEP pa e ley aki pasa", Sr. Croes a laga sa indicando cu 12 di MEP y 3 di AVP ta 15 y asina dos tercera parti a ser pasa. El a laga sa cu MEP ta conta cu apoyo di Sr. Pedro Kelly y di Sr. Selwyn Spanner.

El a haci un apelacion ariba e electorado di Aruba cu a vota pa PPA pa nan eherce y haci apelacion ariba nan lidernan cu si nan vota contra e cambio di Statuut aki, nan ta cometiendo un error historico.

CERTIFICADO PA CURSO DI FRANCES

ORANJESTAD(AAN)—Dia prome di juli, Alliance Française di Aruba a entrega certificado na cursistanan di e cursonan frances di aña 84/85.

Esnan cu a ricibi certificado pa e curso di principiante ta Annie Larmone, Wendell Larmonie, Pascualita Ridderstaat, Michael Briesen, Made-lien Kelly, Renato Vrolijk, Carlos Geerman, Donald Croes, Aura Martinez, Bernadette Schouten y Filomena Croes, Azucena Maduro, y Mirto Maduro.

Pa e curso avanza a ricibi certificado, Elsie Kock Raquel van Heyningen, Marlene van Blarum, Aislinn de Cuba, Shereen de Cuba, Elly Dirksz, Maritza Thielman, Amary Richardson, y Enriqueta Loopstok. Pa e curso di conversacion a ricibi certificado, Mayra de Graaff

Hilda Hanson, y Ray Farro, tambe Sra J. Driessen, presidente di Alliance Française lo entrega un premio na e alumnonan cu e mihor resultado pa frances di Colegio Arubano. Esaki lo tuma lugar durante e entregamento di diploma di Colegio Arubano dia 3 di juli na Cas di Cultura. Angeli Peterson lo ricibi e premio pa VWO y Ann Angela pa HAVO.

BESTUURSCOLLEGE

Cont. di pag. 2

miembronan di bond di polis cu nan mester tene na cuenta cu Eilandsraad di Aruba mester bay over na aproba tur esaki. Di parti di sindicato di polis esaki no ta problema y a participa esaki na e miembronan tambe.

"Mas importante pa nos ta cu Bestuurscollege ta bay di acuerdo cu e leynan aki ta keda existi y cu Bestuurscollege tin cu defende esaki den Eilandsraad", segun presidente di bond di polis seccion Aruba.

AVP Cont. di pag. 3

gobierno cu por conta cu sosten di dos tercera parti di Staten pa por realiza e Status Aparte di Aruba. Pero diasabra nie representante di Isla Aruba, ni esun di Bonaire no a presenta, mientras cu Sr Lopez Henriquez cu tambe ta sostiene e coalicion no a sostene e proyecto di ley pa cambio di Statuut", Sr. Mito Croes a laga sa.

TUBERIANAN


ORANJESTAD(AAN)—Awe WEB lo continua cu e trabao di limpieza di tuberianan den distrito di San Nicolas.

Presion di awa lo ser afecta den e diferente viviendanan for di Weg Fontein 48 bay den direccion zuid te na Weg Fontein no.4. Tambe henter bario di Esso Heights, Lago Heights, Diamantbergweg, Juana Morto, Weg Kust Batterij, Docter Schaeppmanstraat, Hildebrandstraat, van Lennepstraat, Tollenstraat y Nijhoffstraat lo ser afecta di 8 or mainta pa 6 or atardi.

THE CURAÇAO PLAZA'S SPECIAL ANTILLEAN RATES!

fifty five guilders!

single per night... double f.65,-... plus 10%



Plus!

- \$5.- CASINO CHIP
- WELCOME COCKTAIL
- T-SHIRT FREE
- FRIDAY NITE COCKTAIL PARTY
- NO COVER CHARGE - KINI KINI SHOW

COME AND STAY IN THE HEART OF WILLEMSTAD AND ENJOY ALL THAT THE CURACAO PLAZA AND PUNDA OFFERS...

The Plaza's got it all... Swimming pool, Night Club, Dining terrace, Kini Kini Bar, Penthouse Dining Room & Lounge, Casino, Shows and a fantastic view of the city and harbor including eyeball contact with ships entering St. Anna Bay. The Plaza's where the action is... all the exciting sights and scenes are just around the corner... Fort Amsterdam, Floating Bridge and Floating Market, Harbor Entrance, Synagogue, Fort Church, Handelskade, Brion park, and the famous shopping center.

Curaçao Plaza Hotel & Casino

For further information or reservations phone 612500